



1608
1433

Broj: 27-16-49- 148-80/17
Sarajevo, 27.11.17 godine

SKUPŠTINA KANTONA SARAJEVO
N/R Predsjedateljice, Prof. Ane Babić

- ovdje -

Zastupnik Dževad Rađo, na 26. Radnoj sjednici Skupštine Kantona Sarajevo, održanoj dana 23.03.2017. godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo je zastupničku inicijativu.

Zastupnička inicijativa je slijedećeg sadržaja:

"Na osnovu Uredbe o opštim uslovima za proizvodnju, isporuku i korištenje toplotne energije Vlade Kantona Sarajevo podnosim inicijativu za dopunu člana 22. tačka 3. Korisnik usluge koji je isključen iz centralnog toplifikacionog sistema, obavezan je redovno plaćati troškove sklada sa tarifnim sistemom.

Prijedlog dopune: umjesto tačke stavi zarez pa slijedi dopuna: osim predratnih korisnika čiji su stanovi u toku agresije BiH granatirani (devastirani), te su zbog tih uslova isključeni a imaju validni pisani dokaz".

Tražim pisani odgovor.

U skladu sa članom 34. stav 4. Poslovníka o radu Vlade Kantona Sarajevo ("Službene novine Kantona Sarajevo", broj: 4/16 i 36/16), i u skladu sa stavom Vlade Kantona Sarajevo da pripremu na odgovore na poslaničko/zastupničko pitanje ili inicijativu daje resorno ministarstvo, i da isti je potrebno dostaviti u Službu za skupštinske poslove, kao i jedan primjerak u Stručnu službu Vlade Kantona Sarajevo, Ministarstvo komunalne privrede i infrastrukture Kantona Sarajevo daje slijedeći,



- odgovor -

U skladu sa odredbama Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, broj 15/13 i 47/13, 47/15 48/16) ovaj odgovor dostavljamo u pisanom obliku Predsjedateljici Skupštine Kantona Sarajevo kako bi isti bio dostavljen zastupniku, kao i ostalim zastupnicima u Skupštini.

Dužni smo uvaženom zastupniku Dževadu Rađi, ovim putem uputiti izvinjenje, s obzirom da odgovor na navedenu inicijativu nije dobio u proteklom periodu.

Ministarstvo komunalne privrede i infrastrukture Kantona Sarajevo istu je uputilo 17.04.2017. godine, KJKP "Toplanama – Sarajevo" d.o.o. Sarajevo, odmah nakon dostavljanja zastupničkog pitanja u skladu sa svojim nadležnostima. Izjašnjenje, od strane davaoca ove komunalne usluge isporuke toplotne energije KJKP "Toplane – Sarajevo" d.o.o. Sarajevo, su uputile dana 24.04.2017 godine svojim predmetnim aktom broj: 03-02-01-5106/17.

S obzirom da su se desile nepredviđene okolnosti, i da izjašnjenje o zastupničkoj inicijativi koje je uputilo KJKP "Toplane – Sarajevo" d.o.o. Sarajevo dana 24.04.2017 godine nije dostavljen uvaženom zastupniku Dževadi Rađi, istu inicijativu je ponovo 05.07.2017 godine i 15.11.2017 godine i zatražio odgovor u što kraćem roku.

Ministarstvo komunalne privrede i infrastrukture Kantona Sarajevo je u skladu sa svojim nadležnostima nakon upućene i dostavljene ponovljene inicijative na 35. Radnoj sjednici Skupštine Kantona Sarajevo, održanoj dana 15.11.2017 godine istu odmah hitno uputilo KJKP "Toplanama – Sarajevo" d.o.o. Sarajevo, predmetnim aktom broj: 27-16-49-148-80/17 od 17.11.2017 godine na izjašnjenje.

U skladu sa navedenim, uprava preduzeća KJKP "Toplane - Sarajevo" d.o.o. Sarajevo su traženi odgovor na urgenciju po kojoj se traži hitan odgovor po zastupničkoj inicijativi dostavili, a koji u cijelosti svog sadržaja prenosimo u izvornom obliku:

Inicijativa zastupnika g. Rado Dževada, a koja se odnosi na dopunu člana 22. stav (3) Uredbe o opštim uslovima za proizvodnju, isporuku i korištenje toplotne energije ("Službene novine Kantona Sarajevo br 22/16) kojom se od obaveza plaćanja troškova izuzimanja predratnih korisnika čiji su stanovi u toku agresije BiH granatirani (devastirani), te su zbog tih uslova isključeni a imaju validni pisani dokaz, smatramo neprihvatljivim i diskriminirajućom u odnosu na druge korisnike.

Neprihvatljivo je da pravimo razliku između korisnika, prijeratnih i poslijeratnih vlasnika stanova. Radi se o činjenici da je stan devastiran i da se kao takav ne može koristiti, ni stan ni toplotna energija.

Mi sa vlasnicima devastiranih stanova, zaključujemo ugovor o privremenom izdvajanju iz toplifikacionog sistema, jer je to jedino i opravdana opcija predviđena Uredbom.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Ujedno se pozivamo i na Zakon o energetskej efikasnosti ("Službene novine F BiH", broj:22/17) koji ne poznaje ovu kategoriju – devastiranih objekata u objektima kolektivnog stanovanja.

Ovom, želimo dodati da je Vlada Kantona Sarajevo donijela na 53. sjednici održanoj 15.08.2016 godine, "Odluku o usvajanju Tarifnog sistema davanja usluge KJKP "Toplane – Sarajevo" d.o.o. Sarajevo" kojom se usvaja Tarifni sistem sa Metodologijom obračuna isporučene toplotne energije sa matricom tarifnih modela davanja usluge.

Na zahtjev mnogih korisnika ove komunalne usluge, Vlada Kantona Sarajevo je donijela odluku i usvojila ovakav Tarifni sistem sa metodologijom obračuna isporučene toplotne energije, radi lakše primjene, primjenjivat će se fazno i to:

- kroz I fazu koja se odnosi na linearni način fakturisanja kroz 12 mjeseci za stambeni prostor i 7 mjeseci za poslovni prostor, na obračun i fakturisanje priključne snage (40 % ukupne – fiksni troškovi) kroz 12 mjeseci i isporučene energije (varijabilni dio troškova - 60 % od ukupne cijene) kroz 7 mjeseci sezone grijanja (januara, februara, marta, oktobra, novembra i decembra), primjenjuje se od 01.08.2016 godine i odnosi se na objekte bez mjerenja.
- II faza podrazumijeva obračun i fakturisanje kod svih korisnika na osnovu izmjerene utrošene energije na obračunskom mjernom mjestu - zajedničkom/individualnom mjerilu toplotne energije i implementirat će se postupno, a najkasnije do 2020 godine, s obzirom na poduzimanje niza mjera koje korisnici trebaju poduzeti u cilju obezbjeđenja mjerenja i energetske efikasnosti.

S poštovanjem,


MINISTAR
Senad Hasanpasic

Dostaviti:

1. Naslovu;
2. Stručna služba Vlade Kantona Sarajevo;
3. Evidencija;
4. Arhiva.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

